



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 26 » 10 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ 0205-21

Ձեռնարկողը՝

«Արզնու Տոհմային ԹՏԽ» ԲԲԸ

Կոտայքի մարզ, գ. Արզնի, Արզնի-Աբովյան խճ. 5/2

Գործունեությունը՝

«Արզնու Տոհմային ԹՏԽ» ԲԲԸ տեխնիկական և տեխնոլոգիական
վերազինման շրջակա միջավայրի վրա ազդեցության
գնահատման հաշվարկություն

Կոտայքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 02 0 5 - 2 1

<26> 10 2021թ.

Արզնի տոհմային ԹՏԽ-ի տեխնիկական և տեխնոլոգիական վերազինման շրջակա միջավայրի վրա ազդեցության գնահատման հաշվետվություն

Ձեռնարկող՝

«Արզնու տոհմային ԹՏԽ» ԲԲԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Ա կատեգորիա/

Գտնվելու վայրը՝

Կոտայքի մարզ, Արզնի համայնք

Ներածական մաս. «Արզնու տոհմային ԹՏԽ» ԲԲ ընկերությունը գտնվում է Կոտայքի մարզի Արզնի համայնքի վարչական տարածքում, Արզնի-Աբովյան խճ. 5/2 հասցեում, Աբովյան քաղաքից դեպի հյուսիս արմուտք՝ 2կմ հեռավորության վրա: Մոտակա բնակավայրերն են Նոր Հաճն և Բյուրեղավան քաղաքները:

Ընկերության տարածքը գտնվում է ծովի մակարդակից 1400մ բարձրության վրա: Տարածքի կենտրոնական մասի աշխարհագրական կոորդինատներն են 40°17'55 հս. լայն. և 44°36'36 արլ. երկայն.:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի, դասակարգվում է «Ա» կատեգորիայի գործունեության տեսակ:

Նկարագրական մաս. «Արզնու տոհմային ԹՏԽ» ԲԲ ընկերությունը զբաղվում է տոհմային թռչնաբուծությամբ և տավարաբուծությամբ: Մասնագիտացել է ձվի արտադրության մեջ: Ընկերությունը հանդիսանում է հանրապետության խոշոր ձու արտադրողներից: Սննդային ձվերը հիմնականում ստանում են հավերի ձվատու ցեղատեսակներից:

Ֆերման գործունեություն է ծավալել դեռևս ԽՍՀՄ-ի ժամանակաշրջանից: Որպես Արզնի Սովխոզ, ստեղծվել է անցյալ դարի 60-ականներին: Անկախության տարիներին տնտեսությունը գրեթե դադարել է գործել: «Արզնի տոհմային ԹՏԽ» ԲԲ ընկերությունը Հայաստանի անկախության տարիներին առաջիններից էր, որ սկսեց զարգացնել տեղական արտադրությունը և շուկայում վերականգնեց տեղական արտադրանքը:

«Արզնու տոհմային ԹՏԽ» ԲԲԸ պլանավորում է իրականացնել տեխնիկական և տեխնոլոգիական վերազինում, տեղադրելով հավերի բուծման և ձվի ստացման «Hellmann Poultry GmbH & Co»



- թռչունների կեցության համար սարքավորումների հարմար ձևավորմամբ,
- թռչունների պահման ավտոմատ կառավարման համակարգով,
- ավտոմատ համակարգով փակվող/բացվող վանդակներ՝ շարժական փեղկերով,
- թռչունների սննդի և ջրի ավտոմատ մատակարարման համակարգեր,
- ֆերմայում ջերմային ռեժիմի ավտոմատ կառավարում,
- ֆերմայում խոնավության ավտոմատ կառավարում,
- ձվի հավաքման վերելակային համակարգ,
- թռչնաղբի հավաքման և հեռացման ավտոմատ համակարգ:

Թոչնանոցը, որում իրականացվելու է տեխնիկական և տեխնոլոգիական վերազինման ծրագիրը, ունի 96մ երկարություն և 18մ լայնություն:

- Ձվի հավաքման վերելակ,
- թռչնաղբի չորացման խողովակ,
- խմելու ջրի համակարգ,
- կերի մատակարարման շղթայի շարժիչային միավոր,
- կերի շղթայի շրջադարձ,
- շարժիչային միավոր համակարգ,
- թռչնաղբի հեռացման կոնվեյեր:

- Հոսքագիծն իր մեջ ներառում է ամբողջական աշխատանքային համակարգեր, որոնք պատրաստված են բարձրորակ մետաղական ցինկից և ալյումինից, ունեն հակակոռոզիոն ծածկույթ: Այս մետաղական կոնստրուկցիան ունի կոռոզիայի նկատմամբ 3 անգամ ավելի կայունություն սովորական ցինկապատ կոնստրուկցիաների համեմատությամբ:



- Խմելու ջրի մատակարարման համակարգն ամբողջական հավաքված է գերմանական արտադրության դետալներով: Յուրաքանչյուր վանդակում նախատեսված է 2 խմելու կետ՝ պատրաստված բարձրորակ մետաղից, գնդաձև տակառներ՝ յուրաքանչյուր հարկի համար առանձին, որոնք ապահովում են թոչունների համար ջրի անհրաժեշտ քանակությունը: Համակարգը ամբողջությամբ հերմետիկ է, որի մեջ ջուրը չի կարող կեղտոտվել, կամ խառնվել այլ հեղուկի հետ: Խմելու կետերի տակ տեղակայված են V-ձև ձագարներ, որոնք հավաքում են ջրի ավելցուկը, որպեսզի այն չթափվի թոչնաղբի հավաքման ժապավենային կոնվեյերի վրա:
- Կերի բաշխումը ավտոմատացված է այն գործում է կերի բաշխման շղթայական ցիկլով: Այս համակարգը նվազագույնին է հասցնում կերի կորուստը: Համակարգը ապահովում է կերի հավասարաչափ դոզավորում: Յուրաքանչյուր հարկի համար գործում է առանձին շարժիչային միավոր, որն ապահովում է կերի մատակարարման շղթայի 23մ/րոպե արագություն:
- Արտադրանքի՝ ձվի հավաքման վերելակային համակարգն իրենից ներկայացնում է ժապավենային փոխարկիչ 92մմ լայնությամբ: Յուրաքանչյուր մարտկոցի համար աշխատում է փոխանցումային մեկ ձվի հավաքման համակարգ: Վերելակային մեխանիզմն ապահովում է շարքերից ձվի հավաքումն առանձին առանձին:
- Թոչնաղբի հավաքման ժապավենի շարժիչային մեխանիզմը հնարավորություն է տալիս կարգավորել արագությունը և ապահովել ժապավենի մաքրումը թոչնաղբից: Ժապավենը մաշվածության հանդեպ բավականին կայուն է, պոլիմերային նյութից է պատրաստված, 1մմ հաստությամբ և շարժվում է միջինում 3.7մ/րոպե արագությամբ: Այն արտադրվում է Գերմանիայում, գրեթե հավերժ է շահագործման համար, կրծողների կողմից վնասվելու ռիսկը բացառվում է:
- Կերի մատակարարումն իրականացվում է 2 հատ սիլոսային բունկերներից, յուրաքանչյուրը 5.79մ բարձրությամբ, 23.4մ³/15.2տ տարողությամբ: Սիլոսներն ի վիճակի են բեռնվելու կեր տեղափոխող բեռնատարներից և մեխանիկական և պնևմատիկ եղանակներով: Սիլոսների արտաքին ալիքավոր ծածկույթը պաշտպանում է կերը արտաքին ջերմային տատանումներից: Կերի մատակարարման համակարգի արտադրողականությունը 10տ/ժամ է: Բունկերները հագեցած են կերի կշռման նպատակով տենզոցուցիչներով, որոնց տվյալները գրանցվում են համակարգչում:
- Թոչնաղբի հեռացման համակարգ յուրաքանչյուր հոսքագծի համար 1 հատ է նախատեսվում: Այն չժանգոտվող մետաղից, 500մմ լայնությամբ հատուկ տեղափոխող ժապավենով համակարգ է որից թոչնաղբը տեղափոխում է 3.4մ բարձրությամբ, բարձր արագությամբ, կոնվեյերով դեպի բեռնատար ավտոմեքենայի մեջ:
- Ջրի նախապատրաստման հանգույցն իր մեջ ներառում է ջրաչափ սարք, ջրի մաքրման ֆիլտրներ, ճնշման կարգավորման փականներ ծախսաչափ համակարգչային կարգավորմամբ, ճնշման չափիչ սարքեր և խողովակային անցումներ:
- Օդափոխության համակարգը լրիվ ավտոմատացված սեզոնային կարգավորումով համակարգ է, համաձայն բիզնես պլանով նախատեսված սպեցիֆիկացիայի, հարմարեցված թոչունների կենսագործունեության համար անհրաժեշտ կլիմայական պայմանների ապահովման համար: Այն իր մեջ ներառում է օդի մատակարարման և հեռացման համակարգեր:
- Լուսավորության համակարգը կարգավորվում է համակարգչային ծրագրով: Նախատեսվում են 240 հատ 7 Վատտ հզորության լուսադիոդային (LED) լուսատուներ: Լուսատուների մեջ հեռավորությունը 4մ, 10 շաբաթով:
- Օդի խոնավեցման համակարգը նախատեսվում է 1 հատ, 192 ներարկիչներով, ավտոմատ կառավարման համակարգով:

- թռչնանոցի հատակը խոնավեցնել մաքրման, քանդման, փոշի առաջացնող այլ գործողությունների ժամանակ,

- հնարավորության դեպքում անջատել պարապ ռեժիմում գտնվող մեքենաները և սարքավորումները,
- մշակել երթևեկության կառավարման պլան՝ աշխատողների և երթևեկության միջոցների սահուն տեղաշարժի հոսքը ու անվտանգությունը ապահովելու համար,
- բոլոր սարքավորումները և տեխնիկական միջոցները պետք է պարբերաբար ստուգվեն համոզվելու համար, որ դրանք գործում են ՀՀ-ի իրավական պահանջների շրջանակներում,
- սահմանափակել աղմուկ և թրթռում առաջացնող տեխնիկական միջոցների օգտագործումը, սահմանել աշխատանքային գրաֆիկ 09:00-19:00:

Պատճառաբանական մաս. Կոտայքի մարզի Արզնի համայնքապետարանում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, կադաստրի կոմիտեն, ինչպես նաև Կոտայքի մարզպետարանը:

Փորձաքննական պահանջներ

- Պարբերաբար ստուգել մաքրությունը և ապահովել թռչնի ծերտի հավաքման հոսքագծի անխափան աշխատանքը:
- Պահպանել մաքուր և կոկիկ կայք, արագ մաքրելով թափվող թափոնները:
- Պարբերաբար լվանալ ծերտ տեղափոխող մեքենաների բեռնախցիկը:
- Պահպանել աէրոբային պայմանները թռչնանոցի օդային հոսանքներում՝ արտանետումները նվազագույնի հասցնելու համար ախտահանման աշխատանքների ժամանակ:
- Բոլոր սարքավորումները պետք է ունենան աղմուկի թուլատրելի մակարդակ:
- Ընկերության տարածք տրանսպորտային միջոցների մուտքը անհրաժեշտ է իրականացնել ախտահանման պրոցեդուրայից հետո:
- Աշխատանքների կատարման ընթացքում անհրաժեշտ է պահպանել առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջները:

ԵԶՐԱՓԱԿԻՉ ՄԱՍ

«Արզնու տոհմային ԹՏԽ» ԲԲ ընկերության կողմից ներկայացված Կոտայքի մարզի Արզնի տոհմային ԹՏԽ-ի տեխնիկական և տեխնոլոգիական վերազինման շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխ. մասնագետ՝



Հ. Մեսրոպյան